



# Բասիլայել Պատկանյան

## Մեծ

Գընա՛, իմ որդյակ, աշխարհքըս անցի՛ր .  
Պանծալի անո՛ւն Մեծի դու ստացի՛ր:

Ու գընաց որդին, շատ քրքտինք թափեց,  
Մեծ հարըստություն, մեծ գանձ ժողովեց,  
Ու դարձավ հորը, ասաց պարծանքով .  
Հա՛յր իմ, այժըմ Մեծ չե՞մ քու կարծիքով:

Չէ՛, չէ՛ . թեն դու բորսայի ես զարդ,  
Բայց քեզ չեն ասիլ տակավին մեծ մարդ:

Նա գընաց մըտավ իմաստնոց տաճար,  
Եղավ խորիմաստ գիտուն ու հանճար,  
Ու դարձավ հորը, ասաց պարծանքով .  
Հա՛յր իմ, այժըմ Մեծ չե՞մ քու կարծիքով:

Չէ՛, չէ՛ . թեն դու գիտությանց ես զարդ,  
Բայց քեզ տակավին չեն ասիլ մեծ մարդ:

Պահով, աղոթքով մըտավ անապատ,  
Քուրձ հագավ մարմնուն, հրաշքներ գործեց շատ,  
Ու դարձավ հորը, ասաց պարծանքով .  
Հա՛յր իմ, այժըմ Մեծ չե՞մ քու կարծիքով:

Եղենա դրախտին էլ լինիս դու գարդ,  
Ես քեզ տակավին չեմ ասիլ մեծ մարդ:

Ու գրնաց որդին, դարձավ գորավար,  
Խելքով, քաջությամբ տիրեց շատ աշխարհ,  
Ու դարձավ հորը, ասաց պարծանքով .  
Հա՛յր իմ, այժմ Մեծ չե՞մ քու կարծիքով:

Չե՛, չե՛ . թեև դու գոռ դաշտին ես գարդ,  
Բայց քեզ տակավին չեմ ասիլ տակավին մեծ մարդ:

Ու գրնաց որդին մի երկիր օտար,  
Հրեշք ու ցավերն մաքրեց այն աշխարհ,  
Ու դարձավ հորը, ասաց պարծանքով .  
Հա՛յր իմ, այժմ Մեծ չե՞մ քու կարծիքով:

Օտար աշխարհի թեև եղար գարդ,  
Բայց քեզ չեմ ասիլ տակավին մեծ մարդ:

Ու գրնաց որդին . . . Հա՛, սարն էր գլորման . . .  
Դեմ տրվեց ուսը, չը թողեց անկման . . .  
Ու դարձավ հորը, ասաց պարծանքով .  
Հա՛յր իմ, այժմ Մեծ չե՞մ քու կարծիքով:

Դյուցագների մեջն էլ լինիս դու գարդ,  
Բայց քա՛վ ինձ ասել քեզ համար մեծ մարդ:

Ու գնաց որդին գրլխակոր, տըրտում,  
Հոգին վրդողված, ցավ ու դարդ սըրտում,  
Մաշվում էր խեղճը, գոռ տալով խելքին՝  
Չե՞ր չարժանացավ հոր գովասանքին . . .

Նորա եղբայրը գերի էր տարած,  
Թըշնամու ձեռքով տունը ավերած .  
Ճիգ արավ, գլուխը վրտանգի ձրգեց . . .  
Ազատեց եղբորն ու տունը կանգնեց . . .

Հանկարծ . . . սար ու ձոր, ծով դրդրդեցան,  
Բյուրք բյուրոց բերնով գոչեց ազգ մարդկան .  
«Մեծ Մարդու անուն դու ա՛յժմ ըստացար,  
Եղբորդ հիշեցիր ու քեզ մոռացար»: